



ՊԵՏԱԿԱՆ ԳՈՒՅՔԻ ԿԱՌԱՎԱՐՄԱՆ ԿՈՄԻՏԵ  
ՆԱԽԱԳԱՀ

ՀՐԱՄԱՆ

№ 25-Ա «27» 01 2025թ.

ք.Երևան

ՓՈՐՁԱԳԵՏԻ ԿՈՂՄԻՑ ԻՐԱԿԱՆԱՑՎՈՂ ԱՇԽԱՏԱՆՔՆԵՐԻ ԾՐԱԳԻՐԸ  
ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության կառավարության 2018 թվականի օգոստոսի 2-ի «Առանձին խնդիրների իրականացման համար պետական մարմինների կողմից փորձագետի ներգրավման կարգը և դեպքերը սահմանելու մասին» № 878-Ն որոշմամբ հաստատված կարգի 2-րդ և 7-րդ կետերով և Հայաստանի Հանրապետության տարածքային կառավարման և ենթակառուցվածքների նախարարի 2020 թվականի ապրիլի 27-ի «Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեի կանոնադրությունը հաստատելու մասին» № 30-Լ հրամանով հաստատված Հավելվածի 19-րդ կետի 11-րդ ենթակետով.

ՀՐԱՄԱՅՈՒՄ ԵՄ՝

Հաստատել փորձագետի կողմից իրականացվող աշխատանքների ծրագիրը համաձայն հավելվածի:

1/27/2025

ԱՌՆԱԿ ԱՎԵՏԻՍՅԱՆ

Подписано: AVETISYAN ARNAK 1701920336

ԱՌՆԱԿ ԱՎԵՏԻՍՅԱՆ

Հավելված

Պետական գույքի կառավարման կոմիտեի նախագահի

2025 թվականի հունվարի «27» -ի № 25-Ա հրամանի



**ԱՇԽԱՏԱՆՔՆԵՐԻ ԾՐԱԳԻՐ  
ՓՈՐՁԱՎԳԵՏԻ ԿՈՂՄԻՏԵ ԻՐԱԿԱՆԱՑՎՈՂ**

**Ներգրավման դեպքը և հիմնավորումները**

Պետական գույքի կառավարման կոմիտեի (այսուհետ՝ Կոմիտե) պետական գույքի կառավարման ծրագրերի և իրավական ակտերի մշակման վարչությունում **Կոմիտեի կանոնադրական գործառույթներից բխող կոնկրետ հանձնարարականների իրականացման համար՝** պետական գույքի կառավարման բնագավառում իրականացվող բարեփոխումներն իրենց տրամաբանական ավարտին հասցնելու նպատակով՝ Հայաստանի Հանրապետության կառավարության կողմից ծրագրավորված միջոցառումները, մասնավորապես, պետական գույքի մասնավորեցման, օտարման, օգտագործման և սպասարկման գործընթացները կանոնակարգող իրավական ակտերում լրացումներ և փոփոխություններ կատարելու, նոր իրավական ակտեր մշակելու, ինչպես նաև պետական գույքի կառավարման ոլորտի և դրան առնչվող ոլորտների ռազմավարական փաստաթղթերից բխող կանոնակարգերի մշակման համար Կոմիտեի պետական գույքի կառավարման ծրագրերի և իրավական ակտերի մշակման վարչությունում նպատակահարմար է պայմանագրային հիմունքներով ներգրավել համապատասխան մասնագետ (փորձագետ):

**2. Փորձագետին ներկայացվող պահանջները**

1) բարձրագույն կրթություն, հանրային ծառայության առնվազն տաս տարվա աշխատանքային ստաժ, կամ վերջին տաս տարվա ընթացքում առնվազն հինգ տարվա մասնագիտական աշխատանքային ստաժ:

2) պետական գույքի կառավարման ոլորտին վերաբերող անհրաժեշտ տեղեկատվության տիրապետում, ինչպես նաև պետական գույքի մասնավորեցման և կառավարման ծրագրեր, ռազմավարական փաստաթղթեր, իրավական ակտեր մշակելու փորձ:

3) ունենա տրամաբանելու, տարբեր իրավիճակներում կողմնորոշվելու ունակություն:

4) համակարգչով և ժամանակակից այլ տեխնիկական միջոցներով աշխատելու ունակություն:

5) առնվազն մեկ օտար լեզվի պարտադիր իմացություն:

6) Հայաստանի Հանրապետության քաղաքացիական, Հայաստանի Հանրապետության հողային օրենսգրքերի, «Նորմատիվ իրավական ակտերի մասին», «Պետական գույքի մասնավորեցման (սեփականաշնորհման) մասին», «Պետական գույքի կառավարման մասին», «Պետական գույքի մասնավորեցման



2017-2020 թվականների ծրագրի մասին», «Գույքի նկատմամբ իրավունքների պետական գրանցման մասին», «Պետական ոչ առևտրային կազմակերպությունների մասին», «Բաժնետիրական ընկերությունների մասին», «Քաղաքաշինության մասին» Հայաստանի Հանրապետության օրենքների, պետական գույքի մասնավորեցման, օտարման, օգտագործման և սպասարկման գործընթացները կանոնակարգող իրավական ակտերի և իր լիազորությունների հետ կապված իրավական այլ ակտերի անհրաժեշտ իմացություն:

### **3. Աշխատանքների իրականացման ժամանակահատվածը**

Փորձագետը ներգրավվում է երեք ամիս ժամկետով:

### **4. Աշխատանքների ակնկալվող արդյունքը**

1) Փորձագետն երեք ամսվա ընթացքում իրականացնելու է ծրագրով նախատեսված աշխատանքները, մասնավորապես՝

ա. մասնակցելու է Հայաստանի Հանրապետության կառավարության 2021 թվականի օգոստոսի 18-ի N 1363-Ա որոշմամբ հաստատված Հայաստանի Հանրապետության կառավարության գործունեության ծրագրի «Պետական գույքի արդյունավետ կառավարում» 6.7-րդ կետով սահմանված աշխատանքների իրականացմանը.

բ. մշակելու է Հայաստանի Հանրապետության կառավարության 2021-2026 թվականների գործունեության միջոցառումների ծրագրի պետական գույքի կառավարման ոլորտին առնչվող իրավական ակտեր.

գ. ներկայացնելու է Հայաստանի Հանրապետության կառավարության 2022 թվականի հուլիսի 14-ի «Պետական գույքի կառավարման ոլորտի բարեփոխումների ռազմավարությունը և դրանից բխող գործողությունների ծրագիրը հաստատելու մասին» N 1063-Լ որոշումից բխող պետական գույքի կառավարման բարեփոխման վերաբերյալ առաջարկություններ.

դ. մշակելու է պետական գույքի կառավարման եռամյա ծրագրի և մասնավորեցման ծրագրի կատարման տարեկան հաշվետվությունների կազմման վերաբերյալ ուղեցույց.

ե. մշակելու է «Պետական գույքի սեփականաշնորհման (մասնավորեցման) մասին», «Պետական գույքի մասնավորեցման 2017-2020 թվականների ծրագրի մասին» և «Պետական գույքի կառավարման մասին» Հայաստանի Հանրապետության օրենքների կարգավորումների հիման վրա մեկ նոր միասնական օրենսդրական ակտ.

զ. ներկայացնելու է պետական գույքի կառավարման ոլորտին ուղղակիորեն առնչվող ռազմավարությունների և օրենսդրական ակտերի հիման վրա գույքային հարաբերությունները կանոնակարգող ոլորտային նոր իրավական ակտերի մշակման վերաբերյալ առաջարկություններ.

է. իրականացնելու է պետական կառավարման մարմինների, ինչպես նաև Կոմիտեի ստորաբաժանումների կողմից մշակված ՀՀ օրենքների, իրավական ակտերի, նախագծերի ու մշակված ռազմավարական փաստաթղթերի վերաբերյալ փորձագիտական առաջարկությունների և եզրակացությունների ներկայացում.

ը. իրականացնելու է պետական սեփականություն համարվող անշարժ գույքի օգտագործման վիճակի վերաբերյալվեր լուծություն և ներկայացնելու է առաջարկություններ:

թ. իրականացնելու է Կոմիտեի գործառույթներին վերաբերող իրավական ակտերի մշակում:

2) Կատարված աշխատանքի արդյունքը գնահատվում է դրական կամ բացասական:

## **5. Հաշվետվություններ ներկայացնելու ժամկետներ**

Փորձագետն երկու ամսվա համար, կատարած աշխատանքների ավարտից երեքօր առաջ ներկայացնում է հաշվետվություն:

## **6. Աշխատանքի գնահատման չափանիշներ**

Աշխատանքը գնահատվում է ներկայացված հաշվետվության հիման վրա, որի արդյունքում երևում է, թե տվյալ ժամանակահատվածում փորձագետն իր առջնդրված խնդիրների որ մասն է իրականացրել:

Գնահատման համար չափանիշները սահմանվում են ըստ 4-րդ բաժնի «ա»-ից «թ» ենթակետերով սահմանված արդյունքների:

## **Համապատասխանաբար, վերջարդյունքների չափանիշներն են՝**

ա. Հայաստանի Հանրապետության կառավարության 2021 թվականի օգոստոսի 18-ի N 1363-Ա որոշմամբ հաստատված Հայաստանի Հանրապետության կառավարության գործունեության ծրագրի «Պետական գույքի արդյունավետ կառավարում» 6.7-րդ կետով սահմանված աշխատանքների իրականացման մասնակցություն:

բ. Հայաստանի Հանրապետության կառավարության 2021 թվականի նոյեմբերի 18-ի N 1902-Լ որոշմամբ հաստատված Հայաստանի Հանրապետության կառավարության ծրագրից բխող Հայաստանի Հանրապետության կառավարության 2021-2026 թվականների գործունեության միջոցառումների ծրագրով պետական գույքի կառավարման ոլորտին առնչվող իրավական ակտերի մշակում:

գ. Հայաստանի Հանրապետության կառավարության 2022 թվականի հուլիսի 14-ի «Պետական գույքի կառավարման ոլորտի բարեփոխումների ռազմավարությունը և դրանից բխող գործողությունների ծրագիրը հաստատելու մասին» N 1063-Լ որոշումից բխող պետական գույքի կառավարման բարեփոխման վերաբերյալ առաջարկությունների ներկայացում:

դ. պետական գույքի կառավարման եռամյածրագրի և մասնավորեցման ծրագրի կատարման տարեկան հաշվետվությունների կազմման վերաբերյալ ուղեցույցի մշակում:

ե. «Պետական գույքի սեփականոշնորհման (մասնավորեցման) մասին», «Պետական գույքի մասնավորեցման 2017-2020 թվականների ծրագրի մասին» և «Պետական գույքի կառավարման մասին» Հայաստանի Հանրապետության օրենքների կարգավորումների հիման վրա մեկ նոր միասնական օրենսդրական ակտի մշակում:



գ. պետական գույքի կառավարման ոլորտին ուղղակիորեն առնչվող ռազմավարությունների և օրենսդրակ անակտերի հիման վրա գույքային հարաբերությունները կանոնակարգող ոլորտային նոր իրավական ակտերի մշակում և առաջարկությունների ներկայացում:

է. պետական կառավարման մարմինների, ինչպես նաև Կոմիտեի ստորաբաժանումների կողմից մշակված Հայաստանի Հանրապետության օրենքների, իրավական ակտերի, նախագծերի ու մշակված ռազմավարական փաստաթղթերի վերաբերյալ փորձագիտական առաջարկությունների և եզրակացությունների ներկայացում:

ը. պետական սեփականություն համարվող անշարժ գույքի օգտագործման վիճակի վերլուծություն և առաջարկությունների ներկայացում:

թ. Կոմիտեի գործառույթներին վերաբերող իրավական ակտերի մշակման իրականացում: